

湖北府縣志輯

中國地方志集成

同治竹雞縣志
光緒光化縣志

新修竹谿縣志序

谿巖邑也昔時稱富庶馬自壬戌兵燹之後民生彫敝獄訟繁興余於乙丑冬視縣事深慨敷治之難而急詢邑志則前任鄭君康亭於秋間已與邑紳商確纂修而延秦中考廉筱珊張君秉筆張君旋即歸里

序

卷首

一

歲亦云暮志遂遷延不果就余聞谿之舊志始於徐公京陞成於宣公香坡越數十年李蓉艘明府以其簡畧而無文也迺集議而重修之為書十二卷今之志稿體例悉仍其舊蓋前志於疆域山川土田賦稅與夫學校兵防忠孝節義諸大端既詳且



慎無俟改絃而更張也近年來時事雖有變遷而重文教修武備表奇士之志行揚貞媛之節烈幽光潛德無美弗彰記載之文與前志為附依於以嗣徽音而昭來許則斯志之修不主乎創而主乎因也然而千篇可就一字為難古之作史者班馬而

序

卷首

二

後歐陽永叔諸公不無議焉况其他乎余於鞅掌之餘詳核茲志蕪雜者刪之豔麗者去之時就正於兩齋學博金春浦賀儀臣先生而互為參校則楊璜溪李筠谷王敬臣諸君子之力居多書成付諸剞劂他日之彙為府志為省志或以備葑菲之采

中國地方志集成

湖北府縣志輯 ⑥〇

光緒光化縣志

同治竹谿縣志

江蘇古籍出版社 ● 上海書店 ● 巴蜀書社

不盡為管蒯之棄也夫志以記事知其已然而合人情宜土俗致治之術於是乎在余攝篆於茲已及一載雖殫精畢慮第於撫字心勞之一言有稍合焉乃或以信未孚惠未徧者著簡編而垂掌故則非所敢望也

序

卷首

三

同治五年丙寅冬十月署竹谿縣事南昌陶壽嵩撰

新修竹谿縣志序

三十年為一志谿去修于道光七年踰一世又八載矣余承乏此邦正疊遭兵燹之後又值風鶴時警籌辦防堵卷有志于修輯而未逮焉同治四年秋上憲纂修省志徵文致獻惶哉甚

序

卷首

四

雷典也余雖謫隨學父不能不急修縣志以備取資爰聘陝西考蔗張君筱珊主稿邑明徑李君雲橋楊君璜活王君可亭高君桂菴任纂部君爾亭司經費出納余不時至局商確共重矢有向于以化者詳之時至事起身候

之學係有無得失者利害之乃規模
甫定旋來調省垣以有日矣受代者
為陶公蘆樵數以摺談知其學卷優
邃有幹濟才非若余之迂踈寡當
覽簿書而為吏方如夫儒者誦書懷
古學不以匡時為志一登仕籍頓異

序

卷首

五

初心薄鸞鳳而效鷹鶴急蘭絲而
忽保障即日取邑乘閱之無式版
之懷之犯父母斯民之志也况黟邑
困憊凋殘撫馮是急而烽警又見告
乎陶公明敏當蒙之裕如而共為
是志也吾知必藉于考稽詳于採

擇舉三十八年之事蹟以錢散係禁
既貫既掃不至貽譏于曼法而有裨
政教焉惟此索米立傳求賄曲筆古
今通慨若甯簡毋繁甯嚴毋濫用
筆如畫工肖物無愧古人信史是又
所望于在事諸君子矣是為序

序

卷首

六

同治四年乙丑冬十一月知
竹谿縣事番禺鄭愷謹

續修竹谿縣志序

竊以節義之風人所同慕旌褒之典國有獨隆然考史書所載舍生取義潔身盡節類皆命夫命婦之所爲而士庶中罕見豈獨無臨亂捐軀致命遂志者哉歷來逆匪屠毒官紳被害恒少閭閻受禍實多祇以窮鄉僻壤莫由上聞而士庶之人史不能悉紀惟賴地方官與二三紳士搜羅摭採登於縣志流芳不朽耳且縣志一書其有關於治教孰不備載舉凡山川之勝人文之盛以及歷代古蹟皆臚列焉而其所重者惟名宦鄉賢孝子悌弟貞女節婦至不幸而遭世變則忠義

竹谿縣志

卷首 新序

七

之士貞節之婦尤不可遺皆所以鼓勵人心維持風化使人觀感興起啟禮義而重廉恥政教之具莫大於斯余於戊午冬秉鐸安城蒞任之初卽取其縣志而閱之谿邑僻處山陬毗連川陝爲三省門戶故前明流寇往來嗣後我

朝教匪反叛皆受其兇殘然紀死難於後者十餘條前則僅存一二使潛德幽光埋沒九泉豈不惜哉蓋是志始修於乾隆五十八年重修於道光七年近則訪之卽得遠則久而失傳故志必閱數十年一修不可遲之又久也矧自粵匪倡亂蹂躪幾徧寰區義魄貞魂所在多有今鄂疆烽烟稍靖 上憲

懼其日久湮沒也擬修省志以闡其幽札飭州縣各修其志

以備採擇間嘗細考谿邑舊志城郭山川人文物產古蹟皆條分縷晰言之極文載之甚詳宜仿其舊卽時勢變遷必畧加損益亦不能出其範圍惟三十年來苦節純孝不知凡幾而殉難盡節者又難以更僕數悉賴纂集以表彰之時粵東鄭明府康亭初蒞任卽遵札董修旋卽調省接篆者江右陶明府麓樵先延平利張筱珊主稿一辭未加橐筆而去類多出於邑明經楊璜溪廣文楊瑤培生員李筠谷三君之手而纂其成者則陶明府一人而已是舉也人多謂兵燹之後難

竹谿縣志

卷首 新序

八

於遽行而四鄉紳耆不吝捐輸不憚採訪參互考訂閱二載而工始竣亦以見事以義舉衆君子樂於贊襄以有成也是爲序

同治五年丙寅冬十月竹谿縣教諭金光煦撰

續修竹谿縣志序

聞之竹谿向無志始於康熙年間其書多缺而未詳續成於乾隆年間詳矣而猶未大備至道光七年踵前志而重脩之而乃綱目分明各條畢具燦乎可觀嘗閱所載徐給諫奏疏李正郎平賊四策皆識見洞達有益國家洵為昔日碩儒名宦其文可百世不朽至於山川風俗善舉奇行咸足動人慨慕流連而不得以僻處徧隅小之也迄今又三十八年矣其中不無變遷損益忠孝節義之事若不急加採訪編列成書則三十八年前之事物可考而知而三十八年中之見

竹谿縣志

卷首 新序

九

見聞聞不將湮沒而無所表著乎余司鐸茲邑已十六載所目睹耳聞者何可勝道即如寶興一條是當日所未有前志所未載者起自咸豐年間緡錢以逾萬計置稞三百餘石雖前邑侯之善為勸諭余亦曾身親其役而究由眾紳富之慷慨樂輸列首士之踴躍從事而始成此義舉也况自壬戌秋迭遭逆匪士民皆知君上之義人人以殺賊為心而丁壯捐軀婦女殉節者殊屬疊疊之二者尤不可不纂入志書以昭盛舉以發幽光適逢 上憲總修省志檄徵邑乘鄭康亭明府甫經始旋卸任去得陶麓樵明府接辦總理而楊君璜溪

李君筠谷暨諸君子能分任其勞而志是以告成余何功焉
因備官學校倣前人而為之序

同治五年丙寅冬十月竹谿縣訓導賀壽惠撰

竹谿縣志

卷首 新序

十

新修竹谿縣志序

士君子登仕版濟民社宦遊千里萬里之外而欲求合民情
宜土俗得為治之要舍邑乘奚所適從乎同治乙丑秋 大
府纂修省志馳檄徵邑事以備採擷 鄭康亭邑侯持公持
慎既延陝西平邑孝廉張筱珊先生主橐復諭春與王君可
亭楊君璜溪高君桂菴坐局勦校兩閱月烽警頻聞 鄭侯
調任去 陶麓樵邑侯甫下車即辦防堵此事遂東之高閣
矣明年春 陶侯復諭興修筱珊因主平邑講席可亭桂菴
為家務糾縈均不果來春年逾七旬時有不適爰命胞弟榮

竹谿縣志

卷首 新序

十一

竹庖代者番從事惟竹與楊君璜溪王君徽臣數人而已雖
編摩掇拾出自數人而緒分類合兼綜條貫則 龔兩學博
任之至於斟酌損益歸於至當實斷自邑侯也邑侯為江右
名宿廉明公恕專務德化政餘課士能作士氣而鼓王其神
是以釁火偶虛閭閻懷德時進米薪噫當茲疊遭兵燹民氣
未甦之時而愛戴若此可知邑侯政教之善任著述糾紕證
繆慎重周詳可知邑侯學識之優矣谿邑僻處山陬唐宋以
前之事既無可書物產賦稅不足當望縣之什一而於山川
險要學校武備考覈靡遺謂有關於治亂之原也忠烈士女

効命沙場捐軀全節者指不勝屈必令鄭重書之使貞魂義

魄不與塵埃野馬同飄沒於邱原謂轉移風化以激揚為先

也然則是志也書其大者遠者足以維人心風俗於不做非

徒震奇矜博摭摭成編而已前志修於道光丁亥 先大夫

實秉筆焉今 邑侯修舉廢墜不佞兄弟又忝與盛舉敢不

夙夜兢兢盡心勦校期毋負 邑侯之委任與 上憲徵文

考獻之意乎即後之宰是邦者擬程按轍為政不難富之教

之未必不媲美於通都大邑云

同治五年丙寅孟冬月乙酉科拔貢侯選知縣邑人李榮

竹谿縣志

卷首 新序

十二

春撰

重修竹谿縣志序

竹谿界連川陝明成化間始析置爲縣至我

朝乾隆年間始有志今道光七年李蓉履大令增訂完善刊刻成書而索序於余余反復尋覽而知大令用心之苦載筆之善非世俗泛濫成編者所可及也蓋修志體例唐荆川序江陰縣志言之詳矣謂邑之有志如家之有籍織勤治生者多詳田畝租餼錢買絲縷豎益醬罌僮指之數游閑華飾者多詳圖畫狗馬池館花樹古物珍奇之數而家之所以爲家則固在此而不在彼後之爲地志者叙山川既無與於險夷瀕

竹谿縣志

卷首序

十三

洩之用載風俗亦無與於省方觀民之實壤則賦額民數一槩不紀而於仙佛之廬臺榭之址達官貴人之墟墓詞人流覽光景之作滿紙而是此何異家之籍專記圖畫狗馬玩具爲裝綴而租餼錢買所以資衣食之急概不足徵也知家之有籍所以爲生而非以觀美邑之有志本以經世而非以博物則得之矣余嘗喜誦此文以爲可爲千百世修志者之圭臬今觀大令此書其志輿地也山則分紀方隅水則備詳分合疆域著交錯之犬牙邊防紀戍守之扼要而路歧一條載由某門至某處涉某水凡幾里又至某處而分爲歧二歧三

皆可達某府某縣爲他志之所未及比之嚴公如煜三省邊

防體例而益詳尤善之善者也其他建置田賦秩官俱有條理至於人物極表甘繼芳之保障鄉里慷慨赴義尤於風化有關藝文載李東山郎中之平賊四策鑿鑿可見之施行以此爲志庶不悖荆川先生之遺訓矣且夫志也者所以志地卽所以經世也往者流民百萬設都御史於鄖陽以撫治之王公以旂至爲四境圖勒碑院中所以爲地方計者至詳且備今裁鄖撫不設往年教匪之變竹谿實當其衝然縣官請救於鄰封義民圖結於堡寨四境晏然不同房縣竹山之破

竹谿縣志

卷首序

十四

碎殆如爲家者之善支門戶而不徒以點綴爲觀美也修志而不能原本山川標舉險要褒獎忠賢識記方畧使人讀之而可以持循可以感動則已失當年建縣之本意矣復何用此懷鉛握槧者爲哉吾聞大令之爲縣也修南城之將圯築西堤之就湮設義渡以利行人捐祭費以豐神祀案無留牘百廢具興此荆川所云如辛勤起家之人斤絕耳目之玩而畢志於家人生事之間者志之所載皆其精神思慮之所注也爰弁言簡端不惟嘆此書之美兼使世人知志之爲志固在此而不在彼也

賜進士出身

誥授中憲大夫掌河南道監察御史提督湖北學政前翰林院編修廣西福建湖北主考官廬陵王贈芳撰

竹谿縣志

卷首序

十五

重修竹谿縣志序

周官職方氏有內外史分掌畿甸邦國之志舉宇內之山川疆域物產田賦貢稅凡隸版圖者莫不可按次稽典至鉅也今州縣即古侯國也天下大一統薄海內外罔不率從文物聲明無遠弗屆竹谿為鄖陽巖邑幸際

昇平休養生息山荒而田日闢地廓而民益勤皞皞熙熙風齊鄉魯矣癸未歲余以進士即用來楚乙酉夏補官斯土下車即詢邑志僉曰乾隆癸丑前邑侯宣公脩之迄今三十餘年經川陝兵燹之後板已散失無存矣余聞而慨嘆者久之因

竹谿縣志

卷首序

十六

甫涖任未暇搜求越明年丙戌值歲科並試出示勸脩乃於舊紳家得宣公香坡所撰舊志二本讀之嫌其刪繁就簡紀事太畧因於丁亥春集同人而告之曰志者記也事無大小悉宜記之所以昭信史而備輶軒之採者也前志簡今志繁均之病也吾其參酌以求適中乎於是廣搜舊志徧訪新聞聘予受業顧蘋生師為纂脩同官學博張四松魏莖田鄉紳戶部郎中李東山孝廉方正司慎五明經茂才會南泉為分纂又舉城鄉紳耆數十輩分任採訪互相考訂訛者正之缺者增之其間山川形勢之勝民風好尚之殊學校祠壇之跡

流風善政之遺大而名教綱常小而人文物事凡有關於風
士民情者分門別類詳覈靡遺書成釐爲十二卷以待徵考
而廣流傳豈僅資一時云爾哉蓋欲後之生長於斯者知某
也思某也孝某也節義思有以景仰之服官於斯者知某也
循某也良某也廉善思有以媲美之即越國過都之游覽於
斯者知某也文行之高某也出處之正亦思贊揚而傳誦之
猗歟盛哉上承先哲下啟後人裨益豈淺鮮哉爰書之以俟
後之執筆者

道光七年歲次丁亥孟冬穀旦

竹谿縣志

卷首序

十七

賜進士出身

勅授文林郎前署雲夢縣事竹谿縣知縣健爲李錦源撰

重修縣志序

志者史之一體也今自郡縣以迄各省莫不有志而史之全
體備太史天官蘭臺地理作志者罔不權輿於斯而祿祥占
候寓於天文沿革山川具於地志又因之析類而標名焉若
夫志水利卽史之河渠也志田賦卽史之食貨也志秩官志
祥異卽史之官氏靈徵也其他爲封爵爲人物則通乎史之
表爲名臣爲烈女爲方伎則兼乎史之傳故曰志者史之一
體而省志則著全史之體者也我

國家文教誕敷無遠弗屆

竹谿縣志

卷首序

十八

聖祖仁皇帝從臺輔言檄下郡國遍徵邑乘附之史館彙爲通志以

昭一統之威洵鉅典也乾隆癸丑歲余以明經爲貢成均時

值纂脩國史彙筆而襄館事者五年嘉慶丁巳充武英殿校

錄承辦西漢會要暨 盛京通志農桑等書獲與總裁載大

司空蓮士英少司農煦齋提調休寧汪蕙庭先生朝夕共事

凡七年書成進呈

御覽乃得議叙教諭敢曰學已博乎而予手拮据秃筆幾成塚矣乙

丑司竹谿鐸莅任以來見城郭雖在萬山中而人物之清山

川之秀卽通都大邑無以過而又桑麻掩映雞犬相聞駸駸

乎地闢而民聚焉嘗取宜公香坡所撰志讀之思有以補其闕畧擴其規模而力未之逮甲申春予去而復來甫一載適蓉艤明府莅谿與之言遂欣然曰是吾之責也夫爰集諸紳重加編輯延顧蘋生別駕爲纂脩而親爲裁奪予雖老髦亦得承諭從事互相參酌大抵取材貴博用法貴嚴非可徒執已見昔宛平于氏之言曰景一未詳襄糧宿春事一未詳發匣細檢語一未詳逢襟促問字一未詳動色執爭此諸君子之所優予亦不敢不存矜慎者也蓉艤以西蜀名儒爲安城生佛善政善教未更僕數而於脩志一事尤能集眾長以折

竹谿縣志

卷首序

十九

衷至當蓋其用意深而貽謀遠矣予不揣謏陋謬與參訂凡採訪之有關於節義藝文之有關於學校者必據實而表彰之不敢掩前人不致欺來哲是書成庶幾備國史之一斑可供史氏裁擇而昭一統之盛也已爲序

道光七年丁亥十月竹谿縣教諭張本撰時年八十有二

重脩竹谿縣志序

邑之有志猶國之有史也史必秉公而後直道昭志必秉公而後實蹟著不可臆斷亦不可粉飾求典核詳贍能垂不朽要恃乎主持風化者之實心實力有以承先而啟後耳谿邑建於明成化十二年分古庸國亦梁州域地界秦蜀楚之交所稱比枕五峯南帶竹谿東連語軸西列畫屏者昔人論之詳矣明季屢遭兵燹所存載籍俱爲灰燼薦紳先生難言之我

朝定鼎人文蔚起

竹谿縣志

卷首序

二十

聖祖仁皇帝檄下郡國遍徵邑乘付之史館彙成通志維時遵徐公京陛承乏於谿始將民情事蹟求之故老舊聞購之名山藏書各舉所知勒成一冊而志於是乎作越乾隆甲寅宣公香坡踵而脩之按其圖籍錄其梗概刪繁就簡而志於是成嗟乎志之相沿也患有司失其傳尤患傳之非其真倘所見異辭所聞異辭所傳聞又異辭馬鹿混淆魚舛錯非所以昭忠信也谿邑之民涵濡

聖化迄今又五十八載矣守斯土者冠蓋相望而旁搜遠紹宣之後鮮有聞人事變遷書闕有間所謂存什一於千百者安在

其瞭如也後之人卽欲尋墜緒之茫茫亦孰從而辨之乙酉夏西蜀李公蓉艘以名進士來撫茲土因念乃祖峩峩大人觀察荆南以實心行實政至今傳頌不衰明府一本家學繩其祖武所有除弊興利難以枚舉卽築西堤補南城設水坪渡谿人咸利賴之而鼓勵斯文尤致意於重輯縣志以故總纂脩均得其人而又嚴立章程論樂輸者交公局免被吏胥中飽囑採訪者持公議得從眾議僉同編中所列山川城郭土田貢賦以及學校武備風俗物產已列省志府志者概從其舊惟搜數十年之忠孝節烈嘉言懿行足以流芳百世者

竹谿縣志

卷首序

三

一一彙入新志本大公以爲懷冀折衷於一是罔敢沽名罔敢市恩於此見公之周詳慎重而其志不將與國史共彪炳哉余以丙戌仲冬來秉鐸西齋供職未久丁亥春卽赴郡承考試事得觀 學憲旌揚節孝賜之匾額顯微闡幽千古曠典更慮查訪失真或冒一時之名致貽一邑之玷曉諭各學矢公辦理余用是奉命兢兢襄成感舉以上副 學憲宏獎善類之心亦深契明府之公慎無私於以輝光前哲啟佑後人洵大有功於名教也是爲序

道光七年小陽月竹谿訓導魏方照撰

重脩竹谿縣志序

谿舊志無考嚮有鄉先生張懋勳彙本乾隆五十九年宣香坡明府始加脩輯芟繁就簡數典闕如未足尊信也 嘗欲遠稽古籍近考時事勦成一書垂爲掌故以厠官樞垣僕僕鮮暇蓋有志未逮矣丁亥夏家 蓉艘邑侯郵書數千里來告曰谿故楚巖疆形勢甲於他邑地延袤數百里實當古侯國今歲豐人樂烽火不驚而文獻無徵紀載失實余甚惜之竊欲考覈典章垂諸不朽君得無有意乎余久聞 邑侯之賢興學校清狴讞築城堤建橋梁知無不爲百廢具舉茲鳴

竹谿縣志

卷首序

三

琴之暇復以纂脩邑志爲亟亟古所稱政事文學殆兼之矣因力爲贊成之是冬適余居憂南歸時邑志甫脫稿公諄諄以勸校相屬余邑人也不敢以不文辭迺廣羅散失稍加補綴類析條分共成若干卷今而後入斯境者披圖籍考形勝庶幾郁郁乎文獻之區矣因思昔之涖斯土者不知閭閻何人往往以簿書鞅掌殫精疲神於一邑典物若漠不關心者謂此非吾力所能辦卽力能辦是又以遷延宦成計時待擢視邑事如傳舍耳而有志編緝者識不足以洞千古才不足以備三長烏能遐稽遠紹事覈辭文增光邑乘哉公政成三

年民用丕勸而措置罔不裕如夜五鼓輒披衣秉燭汲汲常恐不及蓋視國事如家事者而又蒼萃經史下筆輒數千言炳炳麟麟悉中律度洵所謂力足以幹事才足以成務學足以濟時故能搜羅於數百載之前而取信於數百載之後良不誣也夫時有今古名易銷磨惟托諸文字者可以無窮是編所當景鑠不泯公其與此書俱永矣不佞忝與感舉敢載筆以詒來者

道光七年歲次丁亥仲冬戶部郎中軍機處行走邑人李昌平撰

竹谿縣志

卷首序

三

原序

古云作志甚難詳者務夸而少覈則近於蕪畧者鮮識而罔稽則疑於固余始信古稱作志之難班孟堅於志竟二十年不果就有以也谿舊有志聞撰自明嘉靖闕獻之變都邑爲墟周鼎旣沈秦阮益熾汲冢魯壁土且成焦晉乘楚書灰安復燼欲不化爲烏有得乎雖僅附乘于郡絕筆在前明神宗之五年而亦皆篇章殘缺率多簡畧洵可慨也今當

聖天子御極之初百度維新文教覃敷遐荒異域莫不梯山航海負版來王而谿邑介在中州文物之區其地城郭疆域山川

竹谿縣志

卷首序

二十四

陂池土地戶田以及忠孝節烈學校藝文漫無紀載一旦採風者至將何以備稽考而稱完錄耶余隸籍茲土亦既有年每一念及不禁愴然幾欲操觚斯役自愧無文尋復寢閣今且老矣鬢鬢蒼然當吾世而闕焉不傳誰其任之因卽遠憑郡志近詢故老復取二十年前得之殘碑斷碣者而考定之不尚文而尚質不傳疑而傳信自天文地理食貨人物貢賦之類爲目凡二十有二每首附數言備論贊之體而義存勸戒於是一邑之事實瞭如指掌豈猶是昔時之湮晦也哉但文物闕乎世運志載係乎風俗以百餘年廢缺未有之書余

爲之創其始而相其成是余之不揣固陋也然行千里者始於跬步爲邱陵者基於一篑唯望後之君子踵事而增之俾茲箋箋附鴻文以不朽余滋幸也夫
雍正元年孟夏浴佛日邑人張懋勳撰

原序

歲辛亥葆光署事鄖西適制府開局脩湖廣通志下檄徵邑事乃檢前知縣張道南所脩志並採訪數十年軼事舊聞臚舉申局矣今年夏又奉檄來署竹谿篆視事之暇欲求邑志以稽往事僉謂自明季兵燹之後典籍蕩然無存百餘年來間有創藁卒無成書是以志尙闕焉光思谿雖小邑夫豈不猶是有土地人民政事之責者而此山川關隘人物事蹟之舊以及建置沿革風俗今昔之尙苟漠然置之則無以鑑古者又何以宜今從政不幾於昧昧乎且亦曷足副上憲之

蒐羅也光雖謏劣亦何敢以越俎代庖自諉哉爰囑柯項兩學博廣爲諮訪乃得故邑貢士張懋勳所撰志稿其載記頗詳第稿成於雍正元年距今又七十餘稔其間戶口之增益風俗之推遷無不變易未可竟仍其舊也遂握爲藍本而稍損益之俾明康對山先生武功縣志纂次若干篇以付剞劂庶山陬僻壤亦得附大雅之林而綴於通志之末自時厥後此邦文獻亦可弗慮無徵矣爰叙其緣起以書於篇端

乾隆五十有八年歲次癸丑冬十有二月署竹谿縣事吳門宣葆

光撰

凡例

原志不詳星分以偏隅無關天象也然列曜各有分野災祥之所由著不得以小邑少之今歷考荆楚星分而以澈江嚴氏三省邊防備覽爲據尙不涉影響疆域沿革原志自有明成化年間析置爲始歷代分隸概未之詳殊多遺漏茲編遍稽史籍而以省志卽志爲証考覈不厭詳明

古蹟因山川而見而八景亦古蹟之一端未能免俗今並詳輿地以備博考焉

邑毗連川陝山徑叢雜每爲流匪出入門戶邊防所關尤重

竹谿縣志

卷首凡例

二七

今詳著於篇俾後人一覽而得其扼要

建邑首重城池設兵以衛城也故兵制次之官署學校皆建

置之次者津梁里社市集亦然邑舊稱二十四寨自教匪倡

亂鄉民結寨保聚亦不可畧也今概存之

承平日久民不知兵三省教匪之變官民倉皇失措皆由素

未講求之故今纂竹谿兵事一篇附於武功之末使後世有

所稽考焉

文廟舊詳學校然秩祀大事典禮恭隆故列入祠祀昭敬慎

也至寺觀雖無當於令典而邑中名勝所留民間所報所重

亦不可廢豈爲緝黃張幟哉

谿邑人物前代無可稽考不能強爲附會茲溯自有明始凡選舉之所登人才之特達不可誣也至良士之孝悌忠義純列於善行賢媛之節烈幽貞概詳於列女顯微闡幽務從覈實

漢書藝文志紀經史子集今以詩文當之失其舊矣然名流著述有關政治考據者固不敢從濫亦不敢概略也

拾遺緒論音人不廢蓋寓言十九仍不離乎法鑿耳今擇其雅馴著於篇而以雜記終焉

竹谿縣志

卷首凡例

二八

蒐羅採訪大是不易矧斯邑歷經兵燹文獻無徵掛一漏萬誠所不免旁搜遠紹當俟後之君子

原志所載綱舉目張既已詳備數十年來興賢能登仕版人

文日盛營伍中弁兵有裁移他郡而邊防弗弛義烈之士結

寨同仇越境禦侮卽婦女亦明大義遇難捐生皆大節之不

容沒者至古蹟拾遺亦卽其有據者增人以期無關無濫茲

彙爲首卷一册使提綱挈領餘列爲十六卷使條縷分明庶

披覽者有可憑焉

竹谿縣志目錄

卷首

序文 新序 舊序

凡例

目錄

姓氏

輿圖

卷之一

星野

竹谿縣志

卷首目錄

二十九

卷之二

輿地 沿革 塘汎

山川 路歧

疆域

邊防

古蹟

卷之三

建置 城池 寨堡

官署 里社

兵制

津梁

卷之四

學校

卷之五

祠祀 壇廟

祠宇

寺觀附

卷之六

田賦 戶口 稅課 倉儲 錢賑附

卷之七

秩官 表傳附

卷之八

武功 軍功 世職 竹谿兵事附

流寓

殉難

卷之九

人物 選舉 職官 封贈

卷之十

善行

竹谿縣志

卷首目錄

三十

卷之十一

列女

卷之十二

藝文 上

卷之十三

藝文 下

卷之十四

風俗

卷之十五